

## Gipahibalo sa HIDOE nga naay mas gipanindot nga mga oportunidad sa summer para sa pagkat-on ug pagtabang sa estudyante

Ang mga eskuwelahan sa Hawai'i State Department of Education (HIDOE) mohatag ug mas komprehensibong [programa sa summer](#) nga kapilian sa mga estudyante. Tumong niini nga mas makakat-on ang mga estudyante samtang nangandam sila sa pisikal nga mga klase ug sa 2021-22 nga tuig sa pag-eskuwela.

"Gihagoan sa mga eskuwelahan ang pagdesinyo dekalidad nga mga programa para sa makaluluoyng mga estudyante nga wala makaeskuwelag tarong panahon sa pandemiya. Nagdesinyo pod silag mga programa nga mas modasig sa mga estudyante nga motesting ug bag-ong mga butang ug mangitag mga bag-ong hilig," matod ni Superintendent Dr. Christina Kishimoto. "Kini nga mga programa para sa tanang grado, gikan niadtong nangandam para mag-kinder ngadto sa naay suweldong mga OJT para sa atong hapit na mograduwar nga mga senior."



Gawas sa naandang summer nga klase, ang Department nagtanyag pod ug makalingawng mga oportunidad gamit ang mga modelo nga gihisgotan sa ubos. Kinahanglang susihon sa mga pamilya ang eskuwelahan sa ilang anak para sa espesipikong mga detalye sa matag programa.


### Opisyal nga Summer nga Klase

Tumong sa programa sa summer nga klase sa HIDOE nga mohatag ug epektibong mga kapilian aron ang estudyante mas mouswag, matabangan sa mga problema sa pagkat-on, makakuhag mas taas nga grado o mapataas ang grado para sa mga grade K-12. Ang mga estudyante sa grade 9-12 puwede pong moparehistro sa summer nga klase pinaagig [E-School](#). I-click [dinh](#) para sa listahan sa mga summer nga klase nga naa karon.

### Summer Learning Hub Diha sa Eskuwelahan

Ang mga summer learning hub gidesinyo diha sa eskuwelahan base sa panginahanglan sa estudyante. Naay unom ka klase: programa sa pagkuhag mas taas nga grado, sa pagpataas sa grado, sa pagpauswag, sa paghatag ug tabang, sa pagsulbad sa mga problema sa pagkat-on o sa pagpangandam para sa kabag-ohan. Managlahi ang mga petsa ug paagi sa pagtudlo depende sa eskuwelahan.

Usa ka pananglitan sa hub mao ang Summer Start Kindergarten Transition Program, nga naa sa tanang eskuwelahan sa elementarya sa HIDOE sa tabang sa Hawai'i P-20 Partnerships for Education. Kini nga programa libre, ug tulo ka semana ang gidugayon. Motabang nga makaeksperyensiyag klase sa klasrom kadtong mga paingon mag-kinder nga kadiyot ra o wala naka-preschool.



Dugang pa, magpadayon gihapon ang magbalhinbalhin nga mga learning hub diha sa komunidad, nga gisugdan niadtong milabayng ting-init. Kini ang mga komunidad nga ilang tabangan: Lāna'i, Moloka'i, Hāna ug ang Ka'ū-Kea'au-Pāhoa Complex Area.

Para sa dugang impormasyon ug mapa sa mga HIDOE nga mga summer learning hub diha sa eskuwelahan, tan-awa [dinh](#).

### **Espesyal nga Tabang Para sa Estudyante**

Naay mga kahigayonan nga makakat-on ang mga estudyante nga kinahanglag espesyal nga serbisyo ug tabang. Kini nga mga programa naglakip sa Extended School Year (ESY), English Learner Extended Learning Opportunities, Special Support Programs para sa baldadong mga estudyante, ug Alternative Learning Program Support and Services (ALPSS).

### **Paspas nga Pagkat-on**

Ang [Early College](#) nga programa itanyag ngadto sa mga estudyante sa grade 9-12 para sa paspas nga pagkat-on. Kini maoy resulta sa pagtinabangay sa HIDOE ug sa sistema sa University of Hawai'i. Ang kuwalipikadong mga estudyante makakuha nag marka sa kolehiyo samtang nagtungha pa sila sa high school (doble nga marka) inig mahuman nila kini nga kurso.

### **Pagkat-on sa Kolehiyo, Karera ug Komunidad**

Naa gihapoy gitanyag nga mga OJT panahon sa summer ang HIDOE diha sa ilang mga opisina sa estado aron matabangan ang mga senior nga tingali naay ekstrakurikular nga mga aktibidad, nagkat-on diha sa komunidad, o nagtrabaho nga part-time. Gidahom nga magsugod ang mga OJT sa Hunyo.

Gawas sa mga leksiyon, ang mosunod nga mga serbisyo ug tabang itagana pod panahon sa mga bulan sa ting-init.

### **Programa sa Pakaon sa Ting-init**

Sugdan sa HIDOE ang ilang programa sa pakaon panahon sa ting-init, ang Seamless Summer Option (SSO). Naa ray dugang mga impormasyon bahin sa mga eskuwelahan diin himoon ang programa.

### **Hawaii Keiki Hotline ug Telehealth Service**

Gidesinyo aron ang tanan makapahimulos sa mga serbisyo medikal, ang Hawaii Keiki Health Hotline and Telehealth Service libreng moserbisyo sa mga estudyante sa HIDOE, pamilya, ug trabahante nga naay pangutana bahin sa pisikal ug mental nga kahimtang sa mga estudyante. Ang summer nga klase magsugod sa Hunyo 7-Hulyo 27, Lunes hangtod Biyernes, 8:00 a.m. hangtod 3 p.m., gawas sa mga holiday. Libre kang makatawag sa (844) 436-3888. Puwedeng mogamit ug mga interpreter.

### **YES Project**

Ipadayon sa HIDOE ang YES Project aron maabot ang mga estudyante nga naa sa hilit nga mga dapit ug ang mga pamilya nga walay klarong puy-anan, mahatagan sila sa pangunang mga panginahanglan sama sa pagkaon ug mga suplay nga panghinlo, ug pagtanag makalingaw ug matulon-anon nga mga aktibidad. Ang matag dapit naay espesipikong mga detalye base sa lokal nga panginahanglan, nga maoy maghatag ug koneksiyon tali sa mga eskuwelahan ug komunidad.

Para sa dugang impormasyon bahin sa gitanyag nga mga oportunidad ug mga programa sa summer sa HIDOE, palihog bisitaha ang [bit.ly/HIDOEsummerlearning](https://bit.ly/HIDOEsummerlearning).

###